

Akilerarusiinernik aalajangiisartut aalajangiinerat

Akilerarusiinernik aalajangiisartut

nal nr:	2016-117973
Aalajangiisoqarpoq	2. novembari 2016-imi
Aalajangiinerup tamanut saqqummi- unneqarnera	6. juni 2017
Ukioq aningaasarsiorfiusoq / Ukioq akilerarfiusoq:	2010
Sammisag:	Akileraarutit
Sammisami oqaatsit atorpeqartut:	Isumakkeerfigineqarnissamut pisoqalisoorsimanermullu itigartitaaneq

Eqikkaaneq

Naammagittaalliornermi pineqarput akileraarutissat sinnerinik tamakkiisumik isumakkeerneqarnissap itigartitsissutigineqarnera aamma ukiup akilerarfiususaaq pisoqalereersimanersoq, tassami Akileraar-
tarnermik Aqutsisoqarfiup ukiumut akilerarfiusumut 2010-imut isertitat akileraarutaasussat allanngor-
timmagit.

Akilerarusiinernik aalajangiisartut itigartitsissutigaat, ukiup akilerarfiusussap pisoqalisoorsimanera
aamma akileraarutissat sinnerinik tamakkiisumik isumakkeerneqarnissaasa itigartinneqarnerat atuut-
tussanngortillugu.

Suliami pissusiviusut

Naammagittaalliortoq oqartussaasunit assigiinngitsunit arlalinnit soraarnerussutisiassanik pissarsisar-
poq ilanngullugulu suliaasanit iminneqartarnermunit assigiinngisitaartunit isertitaqartarluni.

Ulloq 22. august 2011-imi ileqquusumik inaarutaasumik akileraarutit naatsorsorneqarnerat allagan-
ngortinneqarsimavoq Isertitat A-t naqeqaakkat tunngavigalugit kr. 101.001-iusut tunngavigalugit.
Tamatumaa kinguneraa isertitat akileraarutaasussat kr. 91.001 aammalu akilerarpallaarsimanermit
akiliuteqarneq kr. 24.831-inik (akileraarutaavallaarsimasut kr. 24.344-upput aamma procentinngorlugit
ajunngitsorsiassaq kr. 487-iusoq). Akilerarpallaarsimanermit pissutaavoq, akileraarutit A-nik ilangaa-
soqarsimanera bikort-ip ilanngaataitaqanngitsup atorneqareerneratigut.

Ulloq 21. maj 2015 Akileraatarnermik Aqutsisoqarfik siunnersuummik saqqummiussivoq isertitat aki-
leraarutaasussat kr. 60.215-inik qaffanneqarnissaannik. Qaffaanermi ilanngullugit nalunaarutigineqar-
simapput soraarnerussutisiassaniit sulii akileraarutissat A-t. Akileraarutit A-nit unerartitsisoqarnera
nalunaarutigineqarsimannilaq. Ulloq 23. juni 2015 naatsorsuinermit allanngortitamik allaganngortits-
isoqarpoq taassumalu kinguneraa akileeqqusiissut kr. 31.791-inik aningaasartalik 1. oktober 2015-imi
akilererneqarsimasusaaq. Aningaasat akileqquneqartut tassaapput akileraarutissanit sinneruttut kr.

940-it aamma siusinnerusukkut akileraarpallaarsimanikkut tunniunneqarsimasut kr. 24.344-usut akileqquneqaqqinnerat ilanngullugillu procentinut ernianullu tapiissutit katillugit kr. 6.507-usut.

Naammagittaalliortoq ulloq 13. februar 2016 akileraarutitigut akiitsut isumakkeerneqarnissaannik qinnuteqaateqarpoq.

Naammagittaallioq akileraarutinut akiitsut isumakkeerneqarnissaannik qinnuteqaammuni nalunaarutigisimavaa, nammineq katissimallugulu aappani soraarnerussutisiaqartuugamik tamakkiisunik qaammammut isertitaqartarlutik kr. 19188-inik qaammammullu aningaasartuuteqartarlutik kr. 8.973-inik tamatumalu kingorna aappariit aningaasatigut atugassarilertarpaat kr. 10.215-it. Taakkuninnga naammagittaallioq aningaasanit atugassarititaasunit pissarsiarisartagai naatsorsorneqarput kr. 4.320-inut. Aappariit illumik pigisaqarput aningaaserivummullu aamma Namminersorlutik Oqartussanut akiitsoqarlutik. Aappaat ilanngaaseereernermi aningaasaataat naatsorsorneqarsimapput kr. 302.430-inut. Naammagittaallioq nalunaarutigaa, paasissutissat tunniunneqartut tassaammata ukiumut akileraarfiusumut 2015-imut tunngasut. Januar 2016 aallarnerfigalugu ilanngullugulu soraarnerussutisialinnut pensionit allanngortinneqarput maannakkullu aappariit qaammatit tamaasa kr. 3.303-inik amerlanerusunik atugassaqaalernikuupput.

- Naammagittaalliortoq 24. februar 2016 allakkatigut akuerineqarpoq ilaannakuusumik isumakkeerfigineqarnissamik kr. 8718-inik. Akileraartarnermik Aqutsisoqarfiup isumakkeerpai akileraarutissatut sinneruttut, procentinut ernianullu tapit ilanngullugillu akileraarutissanut erniat oktober 2015-imut, november 2015-imut, december 2015-imut aamma januar 2016-imut ilanngunneqarsimasussat. Isumakkeerinninnermut ilaatigut pissutigineqarput, namminerisamik aningaasaataat illumut aalajangersimasumut tunngammata aammalu ilaatigut ilisimasimangimmagu 2010-imut akileraarutinut sinneruttunut akiligassaqaarnini tassami siusinnerusukkut akileraarpallaarsimanerme utertoornikuusimagami.

Tamatuma kingorna taamaallaat akileqquneqarput siusinnerusukkut akileraarpallaarsimanerme uter-toorutit akilernerqarsimasut kr. 24.344-it.

September 2016-imi akileraarutinut akiitsut sinneruttut suli akilernerqarsimangillat taamalu ernialisoqarsimalluni februarimii - augustimut katillugit kr. 1.770-inik, tamatuma kingorna tamakkiisumik akileraarutinut akiitsut kr. 26.123-ulerput.

Naammagittaalliuuteqartup paasinninnera

Naammagittaallioq akileraarutissat isumakkeerneqarnissaat kissaatigaa innersuussutigalugulu nammineq soraarnerussutisialittut akileraarutip tamarmiusup akilernissaa ajornakusoortissagamiuk.

Naammagittaallioq isumaqarpoq akileraarut pisoqalivallaarsimassasoq, tassami ukiumut isertitaqarfiusumut 2010-imut tunngammat. Akileraartarnermik Aqutsisoqarfiup nalunaarutigisimavaa, aatsaat 2011-imi paasissutissinneqarsimallutik 2010-imi soraarnerussutisiassat akilernerqarsimasut, aatsaalli 2015-imi - ukiut tallimat (5) qaangiunnerini - Akileraartarnermik Aqutsisoqarfiup suliassaq suliarilerpaa.

Naammagittaallortup aatsaat akileraarutitigut akiliinngitsoorsimaneq ilisimasaqarfigilerpaa, Akileraart-
arnermik Aqutsisoqarfiup 2015-imi suliassaq suliarilermagu.

Naammagittaallortup nalunaarutigisimavaa, 2011-imi nalunaarutigisimallugu soraarnerussutisiassat
akilerneqarsimasut taamaattumillu isumaqarsimalluni, tamanna eqqortuusoq tassami nammineq uki-
umut isertitaqarfiusumut 2010-mut akileraarpallaarsimanikkut utertoortinik pissarsisimagami.

Eqqartuussiviit sulinissaannut malittarisassat aamma eqqartuusseriaatsimi periuuserineqartar- tut innersuussutigineqarput

Isertitaliinermit akileraarusiiner Mullu allannguiner nut piffissaliussaq:

Akileraartarnermik Aqutsisoqarfiup aamma akileraartussap suliniutigisinnaavaat isertitassanik angis-
susiliinerup allanngortinneqarnissaa ukiup isertitaqaataaffiusup qaangiunneraniit ukiut tallimassaanni
31. oktoberimut. Angissusiliineq suliarineqarsimassaaq kingusinnerpaamik ukiup isertitaqaataaffiusup
qaangiunneraniit ukiut arfinilissaanni 31. januarimut takuuk Akileraaruserinermik ingerlatsineq pillugu
Inatsisartut inatsisaat nr. 11, 2. november 2006-imeersumi § 47.

Akileraarutinut akiitsunik isumakkeerinnineq:

Akileraartarnermik Aqutsisoqarfik periarfissaqarpoq akileraarutitigut akiitsut isumakkeerneqarnissaa-
nik qinnuteqaammik akuerinninnissamut, akileraartussaataitaasup uppersarsarpagu, akileraarummik
akiliinissamut maannakkut siunissamilu aningaasatigut periarfissaqannginninni. Naatsorsuutigineqar-
poq, aningaasaqarnikkut pissutsit iluarsineqarsimanagerat aammalu akiitsut illersorneqarsinnaanngitsu-
mik iliuutsit pissutigalugit pinngorsimanngitsut takuuk Akileraaruserinermik ingerlatsineq pillugu
Inatsisartut inatsisaat nr. 11, 2. november 2006-imeersumi § 53.

*§ 53 Akileraarutinut akiligassat, erniat, akiliisitsissutit eqqartuussinertaqanngitsumillu pillaammik
akiliisitsissutit isumakkeerneqarsinnaapput, akiligassallip akiitsuminik akilersuisinnaannginnerminik ukiunilu
qaninnerni taamaaliorsinnaassannginnerminik uppersarsarpagu aammalu ilimagineqarpat isumakkeerineq
akiligassallip aningaasaqarneranik ataavartumik pitsanngortitsissasoq. Taamatuttaaq aningaasat inuit,
selskabit pisortanut akiligassaminnik pisortanut akiliinnginnerisigut taartaallutik akiliisussaataitaasut
akiligassaat isumakkeerneqarsinnaapput.*

Imm 2 Isumakkeerineq nalinginnaasumik pinsinnaanngilaq:

- 1) akiligassallip aningaasaqarnera erseqqissumik paasineqarsimanngippat,*
- 2) akiligassalik aningaasanut tunngasuni mianersuaalliorsimappat, matumani soorlu akiitsut annikinngitsut:
a) piffissami akiligassallip aningaasatigut pisussaaffimmik naammassinnissinnaanngiffiani pilersinneqar-
simappata,
b) akiligassallip aningaasatigut pisussaaffimmik, akiligassallip aningaasaqarneranut naapertuutinnngitsumik
tigusisimaneratigut pinngorsimappata,
c) nalinginnaq atornissaat siunertaralugu pilersinneqarsimappata, imaluunniit
d) pisortanut akiitsuuppata alliaruinnavissimasut.*
- 3) akiitsut annikinngitsut pinerlunnikkut taarsiussanngortitaanikkulluunniit akiligassanngorsimappata,*
- 4) akiligassalik akiitsuminik akilersuisinnaasimagaluarluni, akilersuisimanngippat,*
- 5) akiligassalik isumakkeerisoqarnissaa siunertaralugu iliuuseqarsimappat, imaluunniit*
- 6) akiligassalik isumakkeerisoqarnissaanik suliassap aallartinneqarnerata kingorna pisortanut nutaanik akii-
tsoqalerpat.*

*Imm. 3. Imm. 2, malillugu aalajangiinermi isiginiarneqassapput akiitsut pisoqaassusiat kiisalu akiligassallip
akiitsui pisortanuinnag pisortanuinnangajalluunniit akiligassaanersut.*

*Imm. 4 Imm. 2, apeqqutaatinnagu isumakkeerinissaq itigartitsissutigineqarsinnaavoq pisut allat tamakkiisu-
mik ilaannakuusumilluunniit isumakkeerinissamut akerliulluinnartut atuuppata.*

*Imm. 5. Akiligassallit imm. 1. malillugu isumakkeeriffigineqarsinnaasut taamaallaat tassaapput inuit, taamaat-
torli tak. imm. 6.*

*Imm. 6. Aammattaaq pissutsit immikkut illuinnartut isumakkeerinissamut tunngavissaqartitsippata taamaal-
liornissaq*

*inunnut, selskabinut, peqatigiiffinnut, suliffeqarfinnut imminut pigisunut, aningaasaateqarfinnut assigisaan-
nulluunniit nalunaarutigineqarsinnaavoq.*

Inatsisissatut aalajangersakkamut oqaaseqaatit naapertorlugit isumakkeerinniffigineqarnissamut piu-masaqaataavoq, akiligassalik aaqqinneqarsinnaanngitsunik akiitsoqarnissaa aammalu tamakkiisumik ilaannakuusumilluunniit isumakkeerinninnerup periarfissaqartilissagaa naafferarlugit akilersuinermit eqquutsisisinnaanissaa peqatigitillugulu periarfissaqalissalluni siunissami akiitsoqarnaveersaarnissaa. Akiitsullip aningaasaqarneranik naliliinermi, taamaallaat nalillit ilanngunneqarsinnaapput akiligassaqaq-figisamut akiliinermi piviusunngortinneqarsinnaallutillu piviusunngortinneqartussat.

Akiitsulik suliffissaaleqisuuppat ilinniagaqartuuppalluunniit, aningaasaqarnikkut pissutsit iluarsineqarsi-masuussanngillat, tassami ilisimaneqanngimmat, siunissami aningaasatigut periarfissaqassanersoq akiitsuminik naafferaalluni akilersuisinnaassanersoq.

Akiliisitsiniartarfiup naafferaalluni akiliisarnernik aaqqissuussinerit ingerlattarpai immikkoortortaqaqfimi-llu paasissutissiinerit naapertorlugit inuk ikinnerpaanik qaammammut pisariaqartitanut allanut 4.000,- koruuninik sinneqarsimasassaaq, inuup aatsaat akileraarutitigut akiitsunik naafferaalluni akiler-suisinnaalernissaanut.

Akileraarusiinernik aalajangiisartut naliliineri tunngavilersuutaallu

Akileraartarnermik Aqutsisoqarfik maj 2015-imi siunnersuuteqarsimavoq ukiumi isertitaqarfiusumi 2010-imi isertitat akileraarutaasussat qaffanneqarnissaanik tamatumalu kingorna nutsaamik inaarutaasumik naatsorsuusiorneq allaganngortinneqarluni junip qaammataani 2015. Ukiumut isertitaqarfiusu-mut 2010-imut isertitat angissusilerneqarnerata allannngortinneqarnissaannut siunnersuuteqarnissamut piffissaliussaq 31. oktober 2015-imi qaangiuppoq aamma siunnersuutigineqartutut allannguinissap pi-viusunngortinneqarnissaanut piffissaliussaq 31. januar 2016-imi qaangiuppoq. Taamaasilluni Akile-raartarnermik Aqutsisoqarfiup isertitat angissusilerneqarnerinik qaffaanera ingerlanneqarsimavoq pif-fissaliussat qaangiutinnnginnerini taamaalilluni pisoqaliisoortoqarsimanani.

Akileraartarnermik Aqutsisoqarfimmit akileraarutitigut akiitsut aamma tapit isumakkeerneqarsimapput taamaasilluni siusinnerusukkut akileraarpallaarsimanikkut utertoortissat akilerneqarsimasut kisimik suli akiliisinniarneqartussaapput. Akileraarpallaarsimanikkut utertoortissat inerniusimavoq, tassalu isertitamut inaarutaasumik naatsorsuinermit ilaasumut sanilliullugu akileraarpallaarsimasoqarnerani unerartitat. Tamatumalu kingorna soraarnerussutisiassat ilanngunneqarsimammata siusinnerusukkut akileraarpallaarsimanermit utertoortitut akilerneqarsimasoq akileqquneqassaaq, tassami akileraarutis-satut unerartinneqaaqqaarsimasoq maannakkut inaarutaasumik akileraarummut naapertuutikannilersi-mammatt.

Akileraartarnermik Aqutsisoqarfiup ilaannakuusumik isumakkeerinerani naammagittaalliortup kati-si-mallugulu aapparisaata aningaasaataat atorneqarsinnaasut qaammammut kr. 10.215-upput pine-qartorlu nammineq naapertorlugu qaammammut januar 2016-imiit taannalu ilanngullugu suli kr. 6.500-inik qaffassimapput. Taamaasilluni naammagittaalliortoq Akileraartarnermik Aqutsisoqarfiup ilaanna-kuusumik isumakkeerineraniilli aningaasaateqarsimavoq atorneqarsinnaasunik Akiliisitsiniartarfiimmit inuup akileraarutitut akiitsunik naafferarlugit akilersinnaasaanit pisariaqartinneqartutut isigisaanik

amerlanerusunik. Ilanngullugu aappariit isigineqarsinnaanngillat aaqqinneqarsinnaanngitsumik akiitsoqartutut, pitsaasumik ilanngaatisat ilanngaatigereerlugit kr. 300.000-inik aningaasaateqarunik. Taamaattumik Akileraarusiinernik aalajangiisartut isumaqarput, eqqortuusoq Akileraarusiinernik aalajangiisartut ukiumut isertitaqarfiusumut 2010-mut akileraarutitigut akiitsut tamakkerlugit isumakkeersimanngimmatigit.

Akileraarusiinernik aalajangiisartut aalajangiinerat

Akileraartarnermik Aqutsisoqarfiup ulloq 24. februar 2016-imi aalajangiinerat, tassani naammagittaalliortoq ukiumut isertitaqarfiusumut 2010-mut tunngasumik akileraarutitigut akiitsumik ilaannakkuusumik isumakkeerinerat **aalajangiusimaneqassaaq**. Taamaasilluni naammagittaalliortoq naammagittaalliornerminit isumaqatigineqanngilaq.

Inatsisitigut toqqammavigisaq: Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi § 53.